

Broj : 01/1-05-5734/15
Sarajevo, 10.12.2015. godine

Načelnik Općine Stari Grad Sarajevo, na osnovu člana 69. stav (1) tačka b) i stav (3) Zakona o javnim nabavkama («Službeni glasnik BiH», broj 39/14) donio je :

O D L U K U

o otkazu postupka nabavke za isporuku roba :

Nabavka, transport i isporuka opreme za toplovodnu kotlovnici Općine Stari Grad Sarajevo

- 1. Otkazuje se postupak nabavke u smislu člana 69. stav (3) Zakona o javnim nabavkama .**

Obrazloženje

Općina Stari Grad Sarajevo je pokrenula postupak nabavke : **Nabavka, transport i isporuka opreme za toplovodnu kotlovnici Općine Stari Grad Sarajevo.**

Prema evidenciji pisarnice, zaprimljene su **3 (tri)** ponude :

- 1. "POLIKO" d.o.o. Sarajevo**
- 2. "ENERGOGAS" d.o.o. Sarajevo**
- 3. "ITG" d.o.o. Sarajevo**

Javno otvaranje ponuda izvršeno je 26.10.2015. godine u 11,00 sati u sali 109, objekat "B" , Općina Stari Grad Sarajevo u prisustvu predstavnika ponuđača " ITG" d.o.o. Sarajevo – Teo Grizelj.

Na javnom otvaranju ponuda konstatovano je da je stigla Žalba ponuđača " ITG" d.o.o., nakon čega je ugovorni organ donio Odluku o obustavi postupka, broj:01/1-05-5734/15 od 23.10.2015. godine i uputio je svim ponuđačima.

Na javnom otvaranju ponuda ponovo je naglašeno da je stigla žalba ponuđača " ITG" d.o.o., nakon čega se Teo Grizelj – predstavnik ponuđača " ITG" izjasnio :

" **DA U POTPUNOSTI ODUSTAJU OD ŽALBE**" nakon čega je sačinjena i službena zabilješka.

Pristupilo se otvaranju ponuda i čitanju finansijskog dijela.

- | | |
|---------------------------------|----------------------------------|
| 1. " POLIKO" d.o.o. Sarajevo | sa cijenom ponude : 96.822,20 KM |
| 2. " ENERGOGAS" d.o.o. Sarajevo | sa cijenom ponude : 91.156,50 KM |
| 3. " ITG" d.o.o. Sarajevo | sa cijenom ponude : 89.240,00 KM |

U zatvorenom dijelu sjednice, dogovoreno je da se sve ponude upute Službi za investicije, plan i analizu na računsku kontrolu, a nakon toga Sektoru za tehničke poslove i obezbjeđenje takođe na pregled i kontrolu (u smislu da li ponude ispunjavaju tehničke uslove propisane u TD).

Komisija za javne nabavke je održala sastanak dana 20.11.2015. godine sa početkom u 10,00 sati , u cilju evaluacije i pregleda ponuda.

Prije pregleda ponuda , Predsjedavajuća Komisije za javne nabavke, obavještava članove da su sve ponude upućene Službi za investicije, plan i analizu na računsku kontrolu dana 27.10.2015. godine. Služba za investicije, plan i analizu je dopisom broj : 13/1-23-54575-155/15NM od 27.10.2015. godine izvjestila Komisiju da je izvršila računsku kontrolu ponuda. Ponude ponuđača " POLIKO" I "ITG" nemaju računskih grešaka, a ponuda ponuđača "ENERGOGAS" d.o.o. ima računsku grešku u množenju , pod rednim brojem 18 sa razlikom od 3,00 KM .

Predsjedavajuća Komisije je obavijestila Komisiju da je dana 20.11.2015. godine u 9,15 minuta na protokol Općine predata koverta ponuđača "POLIKO" d.o.o.

Nakon otvaranja pristigle koverta, utvrđen je sadržaj dokumenta dostavljenog u koverti : Ponuđač "POLIKO" d.o.o. u tom dopisu daje obrazloženje da se dogodila tehnička greška na poziciji broj 12 u dijelu obrasca za ponude. Ponuđena cijena u iznosu od 96.822,20 KM bez PDV-a se umanjuje za iznos od 3.600,00 KM, tako da je konačna cijena ponude "POLIKO" d.o.o. 93.222,20 KM bez PDV-a, tj. 109.069,97 KM sa PDV-om.

Članovi Komisije su nastavili sa pregledom ponuda , kako bi se nastavila dalja kvalifikacija.

Ponude sva 3 (tri) ponuđača su prihvatljive prema obliku (uvezane na propisan način) , sadržaju i potpune su u pogledu tražene dokumentacije.

- * " POLIKO" d.o.o. Sarajevo
- * " ENERGOGAS" d.o.o Sarajevo
- * " ITG" d.o.o. Sarajevo

Ponude prethodno navedenih ponuđača kvalifikovane za dalji postupak nabavke.

U daljem radu, Komisija je donijela sljedeće Zaključke :

1. Ustanovljeno je da Sektor za tehničke poslove i obezbjeđenje nije izvršio pregled cjelokupne dokumentacije, te se sve ponude ponovo dostavljaju Sektoru za tehničke poslove i obezbjeđenje na pregled i računsku kontrolu.

2.Sektor za tehničke poslove i obezbjeđenje dužan je dostaviti pisani stav (mišljenje) u kojem je jasno naznačeno da li su ponude i u kojoj mjeri u skladu sa tehničkim karakteristikama propisanim u tenderskoj dokumentaciji .

Komisija će se sastati i donijeti konačni prijedlog koji će se uputiti Načelniku Općine, kao ugovornom organu nakon što Sektor za tehničke poslove i obezbjeđenje okonča zadatke utvrđene Zaključcima.

Dana 27.11.2015. godine ponovo je održan sastanak Komisije u predmetnom postupku . Komisija je upoznata sa sadržajem dopisa Službe za privredu i finansije, broj: 04-49-289/15 od 27.11.2015. godine (u prilogu), upućen Načelniku Općine, a dostavljen Komisiji za javne nabavke putem Službe Kabineta .

U navedenom dopisu izložena je trenutna situacija koja se odnosi na priliv planiranih sredstava u Budžetu Općine za 2015. godinu, istaknuto da je došlo do smanjenog priliva sredstava i iznešena preporuka da se odustane od svih planiranih nabavki roba i usluga koje nisu u prioritetu i za koje nisu donesene Odluke o izboru najpovoljnijeg isporučioaca/vršioca usluge.

Komisija za javne nabavke je prihvatila preporuku Službe za privredu i finansije i jednoglasno predložila Načelniku Općine, kao ugovornom organu da donese Odluku o otkazivanju daljeg postupka nabavke.

Načelnik Općine je, kao ugovorni organ, u potpunosti prihvatio prijedlog Komisije za javne nabavke, obzirom da je došlo do nepredviđenih okolnosti na koje kao ugovorni organ nije mogao uticati i donio odluku kao u dispozitivu.

Protiv ove Odluke može se uložiti žalba u roku utvrđenom u članu 101. Zakona o javnim nabavkama. Žalba se izjavljuje Načelniku Općine kao ugovornom organu, u pisanoj formi i mora biti urađena u dovoljnom broju primjeraka koji ne može biti manji od 3 (tri). Žalba se može uložiti direktno na protokol Općine ili preporučenom pošiljkom.

Prilozi :

1. Zapisnik o ocjeni ponuda od dana 20.11.2015. godine
2. Zapisnik o ocjeni ponuda od dana 27.11.2015. godine
3. Dopis Službe za privredu i finansije, broj: 04-49-289/15 od 27.11.2015. godine

Obrada :

Ermana Sulejmanović

NAČELNIK OPĆINE

mr. Ibrahim Hadžibajrić

Dostaviti:

1. U spis
2. Sektor za tehničke poslove i obezbjeđenje – Dževad Mandžuka
3. Služba za privredu i finansije – Senada Katica
4. Sektor za odnose s javnošću i informacioni sistem – Almedina Porča
5. " POLIKO" d.o.o., Bojnička 105, Stup Ilidža
6. " ENERGOGAS" d.o.o., Merhemića trg 10, Sarajevo
7. " ITG" d.o.o., Hivzi Bjelevca 3, Sarajevo

